



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

67. Caroli V. Imp. Diploma per Ferdinandum fratrem expeditum, Anno
MDXXIII.

urn:nbn:de:hbz:466:1-14268

chiepiscopali perpetuò vniri Apostolicâ authoritate contendere atque inniti dicitur; quantum autem hæc res sit contra mentem præfatæ Maiestatis atque in sacri Imperij, ac Ducatus Burgundiæ & Luxemburgiæ detrimentum, iacturamque vergat abundè ex dictis cognoscis exemplaribus: Iniungimus itaque tibi, vt intellecta eorundem series, vna cum Oratore. Cæsareo Illustrissimo Consanguineo nostro charissimo Duce Siceffano apud Beatitudinem præfatam, ita studium, operamque tuam adhibeas, quod huic incorporationi nullus detur locus. Denique Monasterij status, vt fuit ab immemoriabili tempore transmissus, ad præfati fratris nostri gubernacula conferuetur illæsus, scribimus annexas super eadem re ad Reuerendissimum Dominum D. Datarium, quem in hortamur, vt ad tuam requisitionem ac ipsius Oratoris Cæsarei ad sit fauore quoque suo, & adiumento. Expectantes responsum, quod opportunè per te ad nos referri cupimus, vt Illustrissimo Principi, Domino Philippo Marchioni Badensi Consanguineo nostro charissimo illud protinus communicemus, qui mandato sibi à Cæsarea Maiestate expressè facto nequaquam patietur præfato Archiepiscopo, etiam si impetrarit ab ista sede tradi possessionem. Datum vt supra.

67.

Caroli V. Imperatoris Diploma per Ferdinandum fratrem, expeditum Anno MDXXIII.

CAROLVS Quintus diuinâ fauente clementiâ Electus Romanorum Imperator semper Augustus; ac Rex Germaniæ, Castellæ, Arragoniæ, Legionis vtriusque Siciliæ, Hierusalem, Hungariæ, Dalmatiæ, Croatiæ, Nauarræ, Granatæ, Toleti, Valentiniæ, Galliciæ, Maioricarum, Hispalis, Sardinia, Cordubæ, Corsicæ, Murtiæ, Giennis, Algeroniæ, Algericæ, Gibraltario, Insularum Canariæ, Balearum & Indiarum, ac Terræ firmæ, Maris Oceani, &c. Archidux Austriæ, Dux Burgundiæ, Lotharingiæ, Brabantia, Stiria, Carinthiæ, Carniolæ, Limburgiæ, Luxemburgiæ, Gheldriæ, Callabriæ, Athenarum, Neopatriæ, Wirtembergæ, &c. Comes Habsburgi, Flandriæ, Tirolis, Gorithiæ, Barchinonæ, Arthesiæ, Burgundiæ, &c. Comes Palatinus, Hannoniæ, Hollandiæ, Seelandiæ, Ferreris, Kiburgi, Namurci, Rossilonis, Cerinthaniæ & Zurphanæ, Landgravius Alfatæ, Marchio Sacri Romani Imperij super Anatum, & Burgouæ, Oristani, Gotziani, Princeps Sueuiæ, Cathalonæ, Asturiæ, &c. Dominus Phrisiæ, Marchiæ, Sclauonicæ, portus Naonis, Biscariæ, Molinæ, Salinarum, Tripolis & Mechliniæ &c. Ad perpetuam rei memoriam recognoscimus præsentibus. Cum sedulo nostrorum in Imperio antecessorum liberalitates, quibus Imperij sacri subditos omnium ordinum hætenus affici consueuerunt, perpendimus: Cænobia seu Monasteria, quorum Monastica exacteque vitæ professio, quoddam veræ religionis ac pietatis specimen præstat, non vulgaribus largitionibus ac dotationibus, imo speciali prærogatiuâ dignatos comperimus. Quamobrem attendentes incolæ Monasterij Sancti Maximini in suburbio Ciuitatis Imperialis Treuitorum in diuini cultus obseruantiam strenuè deuoto; nostro Imperiali muneri æquum esse ducimus, si ad Serenissimi Maximiliani Diuæ memoriæ Domini Aui ac immediati antecessoris nostri charissimi emulationem,

iam dictum Monasterium, nostra quoque munificentia dignaremur. Accessit itaque ad nostram Maiestatem deuotus nobis dilectus Vincentius prænominati Cœnobij Abbas, nobisque humiliter offerens litteras à dicto Maximiliano Auo nostro charissimo, quondam Thomæ Prædecessori suo, ac dicto Monasterio concessas. Quibus omnia priuilegia, libertates, gratiæ, confirmationes, immunitates, iura ac feuda dicti Monasterij à Dagoberto Rege ad prænominatum Maximilianum vsque data & elargita, inserta continentur, confirmataque cernuntur. Quæ quidem confirmationis litteræ de verbo ad verbum ordine sequuntur, &c.

Proinde nobis Carolo, præfatus Vincentius Abbas humillimè supplicauit, vt præactam quondam Maximiliani Aui nostri charissimi confirmationem ac concessionem cum omnibus & singulis insertis priuilegijs, libertatibus, gratiis & immunitatibus confirmare, corroborare, ac de nouo concedere dignaremur. Nos verò precibus huiusmodi facilè annuentes, iam dicti Aui nostri litteras ac concessionem cum omnibus in eisdem contentis, Principum, Baronum ac Procerum nostrorum ad hoc accedente consilio confirmauimus, corroborauimus, & innouauimus, præsentiumque tenore ex certa scientia, & de potestatis nostre plenitudine confirmamus, corroboramus & innouamus, statuentes ac decernentes, vt præfate litteræ in omnibus suis clausulis, punctis, verbis, tenoribus, sententiis & continentis firmæ, validæ sint, habeantur, & censeantur, perpetuèque roboris firmitatem obtineant, etiam dicto Abbati & successoribus suis vsu & culturam mineralium concedentes, & vt omnium iurium in fundis & possessionibus ipsorum vti & frui possint, quemadmodum illa hæcenus possederunt: Nostris tamen & Imperii sacri superioritate & iuribus semper saluis. Mandantes idcirco vniuersis & singulis Principibus, Electoribus, Archiepiscopis (& maxime Archiepiscopo & Ciuitati Treuirensi) Episcopis, Ducibus, Marchionibus, Comitibus, Baronibus, Militibus, Nobilibus, Clientibus, Capitaneis, Præfectis Ciuitatum, Oppidorum, & locorum Communitatibus & Rectoribus eorundem, cæterisque nostris & Imperij sacri fidelibus, dilectis, cuiuscunque status, gradus aut conditionis existant. Et præsertim Illustri Philippo Marchioni Badensi, Governatori Ducatus nostri Luxemburgensis cognato & Principi nostro dilecto, & aliis suis Successoribus iam dicti Ducatus nostri Governatoribus, tanquàm Aduocatis ipsius Cœnobii, quatenus sæpèdictum Abbatem, Conuentum & Monasterium, ac homines, bona, redditus, prouentus & iura ipsorum, ab omnibus iniuriis, molestiis, oppressionibus, perturbationibus & violentiis, auctoritate nostra protegant, manuteneant, defendant, & conseruent, quotiescunque necessarium erit, aut per ipsos, vel eorum nuntios seu procuratores requisiti fuerint. Nulli ergo omnino hominum liceat hanc nostræ confirmationis, corroborationis, innouationis & decreti paginam infringere, aut ei quouis ausu temerario contraire. Si quis autem hoc attentare præsumpserit, nostram & Imperii sacri indignationem, & pœnam quinquaginta marcharum auri puri: pro vna Fisco nostro, altera vero mediatè iniuriam passorum vsibus applicandum, se nouerit incursum. Harum testimonio litteratum sigilli nostri appensione munitarum. Datum in Ciuitate nostra Imperiali Norimberga, die quarta mensis Decembris. Anno Domini millesimo quingentesimo vigesimo tertio. Regnorum nostrorum, Romani quinto, cæterorum vero omnium nono.